

於是下詔曰朕云々

〔續日本後紀四明〕承和二年十二月辛未朔天皇御紫宸殿賜群臣酒先是右大臣清原真人夏野在楓里策見五彩慶雲是日以其圖畫并相共見人姓名奏覽且効慶賀之誠左右近衛府遞奏音樂既而賜見參親王以下五位已上祿各有差

〔續日本後紀八明〕承和六年十月己酉朔越前國言慶雲見焉十二月丙辰太政官左大臣正二位臣藤原朝臣緒嗣略中等奏言略中伏見參河國守從五位下橘朝臣本繼等奏稱去年十一月三日五色雲見于參河國寶飯郡形原鄉又越中國介外從五位下興世朝臣高世等奏稱去六月廿八日慶雲見越中國新川郡若佐野村並皆彩色奇麗形象非常略下

〔續日本後紀十三明〕承和十年八月甲子信濃國言瑞雲見

〔文德實錄四〕仁壽二年二月丙辰播磨國言紫雲見五月癸巳大和國言紫雲見

〔三代實錄四清和〕貞觀元年正月廿一日戊寅美濃國言紫雲見

〔三代實錄四清和〕貞觀二年五月五日甲寅駿河國言富士山上五色雲見

〔三代實錄四清和〕貞觀四年八月九日乙巳但馬國言慶雲見

〔三代實錄七清和〕貞觀五年閏六月二日癸亥大和國言石上神社南見五色雲

〔三代實錄二清和〕貞觀十四年二月廿一日辛酉佐渡國言紫雲見

〔三代實錄二清和〕貞觀十五年二月廿八日癸亥飛驒國司言大野郡愛寶本作室山貞觀十三年十一

月十八日十四年十一月十二日今月十五日三度紫雲見

〔三代實錄二十九清和〕貞觀十八年七月廿七日壬寅申一刻東山見五色雲傍山根亘南北形如虹而非虹廣可一丈五尺長可四五丈比及二刻橫而稍上至嶺消散天文要錄祥瑞圖曰非氣非煙五色紛縕是謂慶雲亦謂景雲也古曰王者之德至山陵則景雲出又曰天子孝則景雲見八月六日庚戌日入之